

ЦАГДААГИЙН ЕРӨНХИЙ ГАЗРЫН МЭДЭЭЛЭЛ ШУУРХАЙ УДИРДЛАГЫН ТӨВИЙН 2017 ОНЫ ҮЙЛ АЖИЛЛАГААНЫ ТАЙЛАН

2017 оны 12 дугаар сарын 14-ны өдөр

Улаанбаатар хот

Цагдаагийн байгууллагаас 2017 онд дэвшүүлсэн зорилтыг хэрэгжүүлэх чиглэлээр Мэдээлэл шуурхай удирдлагын төвийн 2017 оны үйл ажиллагааны төлөвлөгөөг жил, улирлаар төлөвлөн хэрэгжүүлэх ажлыг зохион байгуулж, дараах ажлуудыг хийж гүйцэтгэлээ.

Нэг: Удирдлага зохион байгуулалтын талаар

Цагдаагийн ерөнхий газрын даргын 2017 оны 03 дугаар сарын 27 –ны өдрийн А/36 дугаар тушаалаар батлагдсан биелэлт тооцох баримт бичгийн жагсаалтын дагуу Төвийн хэмжээнд 2017 онд биелэлт үр дүнг тооцох баримт бичгийн жагсаалтыг гарган батлуулж, Монгол Улсын хууль тогтоомж, дээд шатны байгууллага, албан тушаалтны тогтоол, шийдвэр, тэдгээрийг хэрэгжүүлэхтэй холбоотой хөтөлбөр, төлөвлөгөө-10, Цагдаагийн ерөнхий газраас гаргасан төлөвлөгөө, тушаал шийдвэр, үүрэг-14, төвийн хэмжээнд-5 нийт 29 хөтөлбөр төлөвлөгөөг хэрэгжүүлэхээр холбогдох заалтуудаар салбар төлөвлөгөөнүүдийг гарган биелэлт үр дүнг тооцон ажилласан.

Төвийн даргын 2017 оны 04 дүгээр сарын 25-ны өдрийн А/13 дугаар тушаалаар “Алба хаагчдын ажлыг дүгнэх шалгуур үзүүлэлтийг боловсруулах ажлын хэсэг”-ийг байгуулж, 23 ажлын байранд ажил дүгнэх шалгуур үзүүлэлтийг боловсруулан даргын зөвлөлийн 8 дугаар хурлаар хэлэлцээд Төвийн даргын 2017 оны 05 дугаар сарын 09-ны өдрийн А/14 дүгээр тушаалаар баталгаажуулан үйл ажиллагаандаа мөрдөж байна.

Төвийн мэдээллийн аюулгүй байдлыг хангах зорилгоор 9 бүлэг, 56 заалттай журмыг боловсруулж, Төвийн даргын 2017 оны А/7 дугаар тушаалаар баталгаажуулан өдөр тутмын үйл ажиллагаанд мөрдөн ажиллаж байна.

Байгууллагын үйл ажиллагааг сайжруулах чиглэлээр Төвийн даргын тушаалаар 14 ажлын хэсгийг байгуулж, ажлын явц, үр дүнг даргын зөвлөлийн хуралд танилцуулан үр дүнг тухай бүрт тооцон ажилласан байна.

Хөндлөнгийн байгууллагаар хэрэглэгчийн үнэлгээг хийлгэх зардлыг Хууль зүй, дотоод хэргийн яаманд хүргүүлэн шийдвэрлүүлж, Ажиглалт ХХК-тай гэрээ байгуулан 2017 оны 04 дүгээр сарын 03-ны өдрөөс 05 дугаар сарын 15-ны өдөр хүртэл 45 хоногийн хугацаанд хэрэглэгчийн үнэлгээг хийлгэж, тайланг Хууль зүй, дотоод хэргийн яаманд хүргүүлсэн.

Хэрэглэгчийн үнэлгээний тайлангийн мөрөөр цагдаа, онцгой байдал, эмнэлгийн түргэн тусламжийн байгууллагуудын харилцан хамтын ажиллагааны шуурхай байдлыг хангах, яаралтай тусламжийн дуудлагыг бүрэн хүлээн авч, иргэдэд үзүүлэх төрийн үйлчилгээг шуурхай, хүртээмжтэй болгох, техник, тоног төхөөрөмж, технологийн шинэчлэл хийх Мэдээлэл, шуурхай удирдлагын төвийн нөөц төв байгуулах зорилгоор “Холбоо, хяналт, мэдээллийн нэгдсэн систем байгуулах төсөл- II”-ийн төслийг боловсруулан саналыг Хууль зүй дотоод хэргийн яаманд хүргүүлэв.

“Т.У.С солюшн” ХХК-тай хамтран ажиллах “Санамж бичиг”-ийг байгуулж, байгууллагын үйл ажиллагааны хэв шинжийг хэвийн үйл ажиллагаатай системийн жишиг загварыг ашиглан тоон утганд шилжүүлэх аргачлалын дагуу “Байгууллагын эрүүл мэндийн төлөв байдлын оношилгоог хийлгэж, тайланг төвийн удирдлагад танилцуулсан.

Төвийн үйл ажиллагаа, мэдээлэл хүлээн авагчдын харилцааны соёл, харьцаа хандлагын талаарх сэтгэл ханамжийн судалгааг Нийслэлийн 1827

иргэдийн дунд 2 удаа явуулж, дүнг даргын зөвлөлийн хуралд танилцуулсан. Санал асуулгад оролцогчдын 56 хувь нь мэдээлэл хүлээн авагчдын харилцааны соёлыг маш сайн буюу сайн гэж үнэлсэн нь эхний хагас жилд явуулсан судалгааны үнэлгээнээс 3 хувиар өсөж, сөрөг үнэлгээ 4 хувиар буурч, байгууллагын үйл ажиллагааны талаарх иргэдийн эерэг үнэлгээ 12 хувиар өсөж, дунд зэрэг, муу, маш муу үнэлгээ 7 хувиар буурсан үзүүлэлттэй байв.

Алба хаагчдын аюулгүй байдлыг хангах, эрсдлэс урьдчилан сэргийлэх зорилгоор Монгол даатгал ХХК-тай гэнэтийн ослын даатгалын гэрээг байгуулж, 104 алба хаагч, "Нэйшнл лайф"-ХХК-д-9, Миг даатгалд-1 алба хаагч нийт 114 алба хаагчийг даатгалд хамруулсан байна.

Төвийн ажил үйлчилгээнд ашиглагдаж буй албаны 3 автомашиныг "Бодь даатгал" ХХК-ны автомашины болон жолоочийн хариуцлагын даатгалд бүрэн хамруулсан болно

Төвийн үйл ажиллагааны заалны ханын дэлгэцийн системийг шинэчлэх ажлын хэсгийг байгуулж, "Хяналтын дэлгэцийн системийн тоног төхөөрөмж нийлүүлэх, суурилуулах ажил гүйцэтгэх" гэрээг Топика компанитай байгуулан 347,666,916 төгрөгийн 54 инчийн 18 дэлгэц, системийн удирдлагын тоног төхөөрөмжийн суурилуулалтыг хийж, үйл ажиллагаандаа ашиглаж байна.

Улаанбаатар цагдаагийн хүрээний анги байгууллагуудын утасны дугаарыг нэгдсэн дугаарлалтад шилжүүлэх ажлыг Монголын цахилгаан холбоо ТӨХК-тай хамтран зохион байгуулж, 501 суурин телефоныг "7019xxxx" дугаар шилжүүлж, IP утасны сүүлийн 4 оронгийн дугаараар алба хаагчид хоорондоо үнэгүй ярих боломжийг бүрдүүлж, дүнг даргын зөвлөлийн хурлаар хэлэлцэж, Цагдаагийн ерөнхий газрын даргад танилцуулгыг хүргүүлэв.

Орон нутгийн цагдаагийн газруудад дуудлага мэдээлэл бүртгэх, шийдвэрлэх ECS програмыг нэвтрүүлсэн.

Төвийн даргын 2017 оны 04 дүгээр сарын 12-ны өдрийн А/12 дугаар тушаалаар "Мэдээлэл шуурхай удирдлагын төвийн дотоод журам"-д цахим хуудас хөтлөх хэсгийг нэмэлтээр оруулж, цахим хуудсанд нийтлэх мэдээллийг бэлтгэх, хяналт тавих алба хаагчдыг томилж, www.eincenter.police.gov.mn цахим хуудас, "Мэдээлэл шуурхай удирдлагын төв" facebook хаягаар Цагдаагийн байгууллагын аварга шалгаруулах Монгол цагдаа 2017 сагсан бөмбөгийн тэмцээн, спортын мастер тамирчдыг сурталчлах мэдээлэл, тусгай дугаарт тоглож залгахгүй байх сэрэмжлүүлэг зэрэг төвөөс зохион байгуулж буй ажил арга хэмжээний мэдээллийг 39 удаа байршуулж, 3345 дэмжигчтэйгээр олон нийтэд сурталчлан ажилласан.

Цагдаагийн ерөнхий газрын даргын 2017 оны А/169 тоот тушаалын дагуу цагдаагийн байгууллагын мэдээлэл, холбооны инженерүүдийн нэгдсэн сургалтыг 2017 оны 09 дүгээр сарын 14-16-ны өдрүүдэд Хууль сахиулахын их сургуулийн хурлын танхимд зохион байгууллаа. Сургалтад төв, орон нутгийн цагдаагийн газар, хэлтэс, албадын 140 мэдээлэл, холбооны инженерүүд хамрагдаж сургалтыг танхимын болон мэдээлэл холбооны салбарын ICT EXPO-2017 үзэсгэлэн үзүүлж дэвшилтэт технологиудтай танилцуулах, Цагдаагийн ерөнхий газрын шуурхай удирдлагын штабын тоног төхөөрөмж, үйл ажиллагаатай танилцах, харилцан туршлага солилцох байдлаар зохион байгуулав.

Хоёр. Гэмт хэрэгтэй тэмцэх, нийтийн хэвж урам хамгаалах, олон нийтийн аюулгүй байдлыг хангах чиглэлээр:

2017 оны 1 дүгээр сарын 1-нийн өдрөөс 2017 оны 12 дугаар сарын 09-ний өдрийг хүртэлх хугацаанд иргэдээс нийт 604839 дуудлага, мэдээллийг тусгай дугаарын утсуудаар хүлээн авч, холбогдох газруудад дамжуулсан байна. Үүнд: Архидан согтуурсантай холбоотой дуудлага-119935, хэв журмын зөрчил -255242 гэмт хэргийн талаарх мэдээлэл -35128, сураггүй алга болсон хүний талаарх мэдээлэл-8121, олдсон хүүхэд /хүн/-ийн талаарх мэдээлэл-6659, гадаадын

иргэнтэй холбоотой -869, хүүхэд, гэр бүлийн хүчирхийлэлтэй холбоотой -28137, бусад-33236, сонгуультай холбоотой-690, зам тээврийн ослын 114437 мэдээ мэдээлэл бүртгэгдсэн байна

Цагдаагийн ерөнхий газрын нэгдсэн <http://102.police.gov> дотоод цахим хуудасны “МШУТ-ийн ШУХ 102-оос анхааруулж байна” хэсэгт хулгайлах гэмт хэргийн дуудлагын шийдвэрлэлтийн зөрчил, гэр бүлийн хүчирхийллийн дуудлагыг олон давтамжтай ирүүлсэн утасны дугаар, хаягийн 1383 мэдээллийг байршуулж, хамтран хяналт тавих талаар дүүрэг дэх Цагдаагийн хэлтсүүдийн дарга нарт 1281 албан бичгийг хүргүүлэн хариуг авч ажилласан.



Хүүхэд, гэр бүлийн хүчирхийллийн хохирогч хамгаалах, холбогдох байгууллагад холбон зуучлах, дахин хүчирхийлэлд өртөхөөс урьчилан сэргийлэх зорилгоор хүүхдийн 108 дугаарт хүүхдийн амь нас хохирсон болон хүүхдийн эрх зөрчигдсөн тухай 702 мэдээллийг өгч, тус төвөөс 102 тусгай дугаарт 733 дуудлагыг хүлээн авч хамтран ажиллав.

Гэр бүлийн хүчирхийллийн тухай хуулийн хэрэгжилтийг хангах зорилгоор удаа дараа дуудлага мэдээлэл ирүүлсэн утасны дугаар, гэрийн хаягаар тухайн этгээдэд хариуцлага тооцуулахаар дүүрэг дэх цагдаагийн хэлтсийн дарга нарт 532 албан бичгийг хүргүүлэн хамтран ажиллав.

Тусгай дугаарын утсаар тоглож, андуурч залгах, хариу өгөөгүй дуудлагын ачааллыг нэмэгдүүлдэх асуудлыг таслан зогсоох, бууруулах ажлын төлөвлөгөөг гаргаж хэрэгжүүлж, дүнг даргын зөвлөлийн хуралд танилцуулж, үр дүнг тооцсон. Нийслэлийн ерөнхий боловсролын 112 сургуулийн 1-5 дугаар ангийн сурагчдад тусгай дугаарын ач холбогдлыг сурталчлах ажлыг зохион байгуулж, тоглож залгасан 11 иргэнийг 190.000 төгрөгөөр торгож, 51 иргэнээс дахин тусгай дугаарт тоглож залгахгүй байх талаар баталгаа авч, үүрэн холбооны Скайтел, Жи-Мобайл, Мобиком, Юнител ХХК-ын нийт хэрэглэгчдэд мессеж илгээж,

Монголын үндэсний олон нийтийн телевиз, C1, UBS, MN25 телевизүүд, Онцгой байдлын Аврагч студи, ЦЕГ-ын Хэвлэл мэдээллийн төвийн мэдээллийн хөтөлбөрүүдэд тусгай дугаарт тоглож залгаж, хүндрэл учруулж байгаа талаар ярилцаж, сэрэмжлүүлгийг өгч, Төвийн болон мэдээллийн сайтуудаар, Facebook хуудас, Үндэсний шуудан, Өнөөдөр сонингуудад тусгай дугаарын ач холбогдолын талаар мэдээллийг нийтлүүлэх зэрэг урьдчилан сэргийлэх ажлыг зохион байгуулснаар тоглох, андуурч залгах, хариу өгөхгүй байх дуудлагын тоо өмнөх оноос 98.1 хувиар буурсан үзүүлэлттэй байна.

Гурав. Сахилга, хариуцлага, сургалт соён гэгээрүүлэх болон авлигаас урьдчилан сэргийлэх ажлын талаар:

Алба хаагчдын сахилгын нэгдсэн зөвлөгөөнийг 4 удаа зохион байгуулж, сахилга хариуцлагыг сайжруулах чиглэлээр алба хаагчдаас гаргасан саналыг хэрэгжүүлэх төлөвлөгөөг гарган биелэлт үр дүнг даргын зөвлөлийн хуралд танилцуулав.



Алба хаагчдын сахилга ёс зүйг дээшлүүлэх чиглэлээр Техник ашиглалтын хэлтэс, Шуурхай удирдлагын хэлтэс /101,105/-ийн дарга нарт 01, 02 тоот албан даалгавар, Техник ашиглалтын хэлтэс, Шуурхай удирдлагын хэлтэс /102,/103/-ийн дарга нарт 4,5,6 дугаар үүргийг өгч, биелэлтийг тооцов.

Алба хаагчдыг сахилга ёс зүйн зөрчил гаргахаас урьдчилан сэргийлэх зорилгоор албан даалгавар-3, үүрэг-10, зааварчилгаа-3 удаа өгч, Засгийн газрын “Сахилга хариуцлага, дэг журмыг чангатгах тухай” 01 дүгээр албан даалгаврыг хэрэгжүүлэх, хууль бус үйл ажиллагааг хамгаалах,хаацайлахгүй байх талаар-98, Цагдаагийн албаны тухай хуулийн хориглох зүйл, сахилгын болон ёс зүйн дүрмийг баримтлан ажиллах талаар-110,харьяаллын бус хэрэг маргаанд хөндлөнгөөс оролцохгүй байх-111, Улаанбаатар хотоос гадагш гарах, ээлжийн амралт эдлэх хугацаандаа гэмт хэрэг зөрчилд холбогдохгүй байх чиглэлээр-64, их дээд сургууль,офицер дамжаанд суралцах хугацааны-23, давхардсан тоогоор 407 алба хаагчаас баталгаа, ажлын хариуцлага алдсан-6 алба хаагчаас илтгэх хуудсыг авч, Аюулгүй байдлын хэлтэстэй хамтран 2 удаа, мэдээллийн аюулгүй байдлыг хангах чиглэлээр 1 удаа сургалтыг зохион байгуулж ажилласнаар сахилгын байдлыг урьд онтой харьцуулбал албаны шалгалтын тоо 27 нэгжээр буюу 58,6 хувиар, сахилгын шийтгэл 7 нэгжээр буюу 36,8 хувиар, тус тус буурсан үзүүлэлттэй байна.

Алба хаагчдыг сахилга ёс зүйн зөрчлөөс урьдчилан сэргийлэх, нөлөөллийн арга хэмжээг хэрэгжүүлэх зорилгоор цагдаагийн ахмад ажилтан,хошууч генерал Б.Пүрэв,“Гал голомт” ТББ-ийн дарга Д.Мөнхөө, сэтгэлзүйн ухааны доктор А.Ерөөлбат, зохиолч Л.Сарантуяа нартай уулзалт ярилцлага хийж, хамт олны дунд “Гэр бүлийн өдөрлөг”,“Номын баяр”,“Аав, Ээж, Би” буухиа тэмцээн, Нийслэлийн цагдаагийн газрын сэтгэл зүйчдийн багтай хамтран сахилгын шийтгэл хүлээсэн алба хаагчдын дунд хэлэлцүүлэг явуулсан.



“Бие биедээ урмын үг хэлэх” арга хэмжээний хүрээнд “Байгууллага дахь хувь хүний соёл”, “Ажлын байран дахь стресс “Уур бухимдлын менежмент” сэдвүүдээр мэдээлэл хийж, “Баруун тархи хөгжүүлэх арга”, Богино хугацааны

стресс тайлах арга”, “Аз жаргалтай амьдрах 10 дүрэм” сэдвүүдээр сэтгэл зүйн дасгал зөвлөмж өгч, 98 алба хаагчаас сэтгэл зүйн иж бүрэн судалгааг авч, дүгнэлтийг нэгтгэн сэтгэл зүйн тодорхойлолтыг бичиж танилцуулсан. Сахилгын зөрчил гаргасан 10 алба хаагчдад “Хамт олны итгэлийн захиа”-г өгч, “Хандлага” сэдвээр видео хичээл бэлтгэж алба хаагчдад хүргэсэн.

Алба хаагчдын 2016 оны сахилга, ёс зүйн байдалд дүгнэлт хийж, бие хүний хувийн зан чанар, аливаа зүйлд хандах хандлага, архины хэрэглээ, хариуцлагын мэдрэмж, бусдад хандах хандлага, сэтгэл гутрал, манлайлах чадварыг тодорхойлох “MMPI” сэтгэл зүйн суурь судалгааг 141 алба хаагчаас авч, дүгнэлт гарган алба хаагч бүрт зөвлөмжийг бичиж өгөв.

Сургалтын нэгдсэн төлөвлөгөөний дагуу нэгдсэн сургалтыг танхимын хэлбэрээр 26 удаа зохион байгуулж, 48 сургалтын материал, гарын авлагуудыг Төвийн дотоод цахим сүлжээ /fileserver/-т байршуулж алба хаагчдаар судлуулсан.

Хэлтсүүд ажил, мэргэжлийн онцлог, алба хаагчдын ажлын байранд тавигдах шаардлагад нийцсэн сургалтыг зохион байгуулахаар төлөвлөгөө гарган хэрэгжүүлж, 72 удаагийн сургалтыг дотооддоо зохион байгуулсан байна

Тасгийн дарга, ахлах ажилтнуудын үйл ажиллагааны үр дүн, мэргэшил, ур чадварын түвшинг тогтоох шалгалтыг эрхзүйн мэдлэг, англи хэл, компьютер, сэтгэн бодох, албан хэрэг хөтлөлт гэсэн 5 чиглэлээр 27 ахлах ажилтнаас авч, дүнг даргын зөвлөлийн хуралд танилцуулж, ахлах ажилтнуудад зөвлөмжийг бичгээр өгсөн.

Алба хаагчдын ажлын үр дүн, сахилга ёс зүйн байдлыг харгалзан мэдлэг боловсролоо дээшлүүлэх чиглэлээр суралцуулах асуудлыг даргын зөвлөлийн хурлаар хэлэлцэж, эцнээ сургалтад-7, магистрийн сургалтад-5, мэргэшүүлэх сургалтад-7, гадаад хэлний мэдлэг олгох сургалт, дамжаанд 3 алба хаагчийг хамруулав.

Олон нийт, сургалт, соён гэгээрүүлэх ажлын багаас алба хаагчдын бие бялдрын бэлтгэлжилтийн түвшинг дээшлүүлэх, чөлөөт цагийг зөв боловсон өнгөрүүлэх, эвсэг, хамтач уур амьсгалыг бүрдүүлэхэд чиглэгдсэн 18 ажлыг зохион байгуулж дүгнэсэн.

Цагдаагийн байгууллагын 2017 оны аварга шалгаруулах 9 тэмцээнд төвийн баг, тамирчдыг бэлтгэн оролцууж, Мэдээлэл шуурхай удирдлагын төвийн нэрэмжит Цагдаагийн байгууллагын “Монгол цагдаа-2017” сагсан бөмбөгийн тэмцээнийг амжилттай зохион байгуулж, тус төвийн эмэгтэй, эрэгтэй баг тамирчид Тэргүүн байрыг эзэллээ

Жил бүр уламжлал болгон зохион байгуулдаг Мэдээлэл, шуурхай удирдлагын төвийн аварга шалгаруулах спортын “Цогцолбор” тэмцээнийг 7 төрлөөр зохион байгуулж, Нийслэлийн Онцгой байдлын газар, Анагаахын шинжлэх ухааны их сургууль, Хууль сахиулахын их сургууль, Шүүхийн шийдвэр гүйцэтгэх ерөнхий газрын баг тамирчидтай нөхөрсөг бооцоот тэмцээнүүдийг амжилттай зохион байгууллаа.

“Мөнгөн өвөл-2017” сэдэвт өдөрлөгийг 2017 оны 02 дугаар сарын 03-ны өдөр “Санзайн ам-Цэргийн амралтын” чиглэлд зохион байгуулж, алба хаагчдын дунд буудлагын тэмцээн, хөгжөөнт тоглоомыг зохион явуулав.



Алба хаагчдын ажлын алжаалыг тайлах, амраах, нөхөн сэргээх зорилгоор “Хэнтий–Дорнод–Сүхбаатар” чиглэлд 13 алба хаагчдын бүрэлдэхүүнтэй тойрон аялалыг зохион байгуулав.

Хамт олонч уур амьсгал бүрдүүлэх, бие бялдрыг хөгжүүлэх зорилгоор “Бүжгийн тэмцээн”-ийг 2017 оны 05 дугаар сарын 19-ний өдөр Нийслэлийн онцгой байдлын газрын хурлын танхимд зохион байгуулж, Техник ашиглалтын хэлтсийн баг “Тэргүүн байр” эзлэв.



Дөрөв. Санхүү бүртгэл, хангамжийн талаар

Төвийн даргын 2017 оны 5 дугаар сарын 11 өдрийн А/15 тоот тушаал, 11 дүгээр сарын 24 өдрийн А/24 тоот тушаалаар хагас жилийн болон жилийн эцсийн эд хөрөнгийн тооллогын комисс байгуулан тооллогын ажлыг 2 удаа зохион байгуулан ажиллаж тооллогын дүн, актлах саналтай эд хөрөнгийн жагсаалт гарган даргын зөвлөлийн хуралд танилцуулан шийдвэрлүүлэв.

Төвийн 157 албан хаагчтай эд хөрөнгийн бүрэн хариуцлагын гэрээг шинэчлэн байгуулж гэрээний үүргийн биелэлтэнд хяналт тавьж ажиллаа.

Тав. Алба хаагч, ажилтны ажиллах нөхцөл, нийгмийн асуудлыг хангах, эрүүл мэндийг хамгаалах чиглэлээр

Алба хаагчдын нийгмийн баталгааг хангах хөтөлбөрийг хэрэгжүүлэх чиглэлээр 32 арга хэмжээг төлөвлөж хэрэгжилтийг бүрэн хангуулж биелэлтийг даргын зөвлөлийн хуралд танилцуулан ажиллав.

Алба хаагчдын ажиллах орчныг сайжруулах зорилгоор үйл ажиллагааны танхимын шалыг сольж, гаражийн засварыг мэргэжлийн байгууллагын шаардлагад нийцүүлэн засварлаж, ээлжийн алба хаагчдыг эрүүл мэндийн суудал / сандлын дээр тавих / -аар хангах ажлуудыг зохион байгуулсан.

Тэтгэвэрт гарсан 57 ахмадуудад сар шинийн болон ахмадын баярыг тохиолдуулан 2 удаа хүндэтгэл үзүүлэх арга хэмжээг зохион байгуулж, Олон улсын эмэгтэйчүүдийн эрхийг хамгаалах өдрийг тохиолдуулан 5 хүнд “Монголын гэр бүлийн академи”-ийн “Дархан бэр” өргөмжлөл, Олон улсын хүүхдийн эрхийг хамгаалах өдрийг тохиолдуулан алба хаагчдын 197 хүүхдэд гарын бэлэг өгч, амьжиргааны баталгаажих түвшингээс доогуур үзүүлэлтэй 1 эмэгтэй алба хаагч, гэрээт 1 ажилтанд буцалтгүй тусламж үзүүлсэн.

ХААН банкт хамтран цалингийн зээлийн өдөрлөг зохион байгуулж, зээлийг түргэн шуурхай шийдвэрлэн 29 хүн 210 сая төгрөгийн зээлд хамрагдав.

Албан үүргээ гүйцэтгэж яваад нас барсан 1 алба хаагчид Цагдаагийн албаны тухай хуульд заасан тэтгэмжийг олгуулж, гэмтсэн 1 алба хаагчид гэнэтийн ослын даатгалаас нөхөн олговор олгуулах ажлыг зохион байгуулсан.

Алба хаагчдын ажлын алжаалыг тайлах, амраах, нөхөн сэргээх зорилгоор “Хэнтий–Дорнод–Сүхбаатар” чиглэлд 13 алба хаагчдын бүрэлдэхүүнтэй тойрон аялалыг зохион байгуулав.

Хөтөлбөрийн хүрээнд төвийн алба хаагчдын өвчлөлийн судалгааг гаргаж, “Донорын өдөрлөг”-т оролцож, хамтран “Гепатит В” вакцины 1-3 тунлалыг 86 албан хаагчдад, томуугийн вакциныг 32 хүүхэд, 80 алба хаагчдад хийж, дархлаажуулж, давхардсан тоогоор 716 алба хаагчдад анхан шатны эмчилгээ үйлчилгээг үзүүлж, 78 алба хаагчийг эмнэлгийн урьдчилан сэргийлэх үзлэгт хамруулж, 55 албан хаагч, ахмад настан 6, С вирусийн эм ууж буй 4 алба хаагчийг “Сүүж уул” нөхөн сэргээх амраасан.

Жингийн илүүдлээс урьдчилан сэргийлэх зорилгоор Эмэгтэйчүүдийн зөвлөлөөс “Хэн сайн жин хасах вэ? уралдааныг зохион байгуулж, 20 алба хаагч 1-16 кг жин хасч, “Тамхигүй хамт олон” 2 сарын аяны өрнүүлж, тамхины хор уршгийг ойлгуулах талаар ажил арга хэмжээг хэрэгжүүлснээр 3 алба хаагч тамхинаас гарсан үр дүнтэй байна.



Алба хаагчдын бие бялдрыг хөгжүүлэх, хөдөлгөөний дутагдлаас сэргийлэх зорилгоор Төвийн бялдаржуулах танхимд 7 хоногт 3 удаа “Аврагч” спорт хорооны биеийн тамирын зааланд 1 удаа алба хаагчид хуваарийн дагуу тогтмол хичээллэж, өдөр бүр үйлдвэрлэлийн гимнастикийг 6-8 удаа тогтмол хийлгэж хэвшсэн.

Сэтгэцийн эрүүл мэндийн үндэсний төв, Хөдөлмөрийн эрүүл мэндийн үндэсний төвтэй хамтран “Архи хэтрүүлэн хэрэглэх”, “Архинд донтох өвчин-архи эрүүл мэндэд нөлөөлөх эрсдэлүүд” сэдвээр хичээл сургалтуудыг хамтран зохион байгуулсан.

ШУХ/103/, ЗУХ, ШУХ/102/ ШУХ/101,105/ хэлтсийн алба хаагчдад “Эрүүл зөв хоололт”, “Хүнсний бүтээгдэхүүний зөв хэрэглээ”, “Эрүүл аж төрөх ёс-дадал төлөвшил” сэдвээр 1 цагийн сургалтыг зохион байгууллаа.

Зургаа. Дотоод хяналтын хүрээнд

Дотоод хяналт шалгалт хийх графикчилсан төлөвлөгөөг гарган 12 төрлийн хяналт шалгалтыг зохион байгуулж, “Хэлтсүүдийн бичиг баримтын төлөвлөлт, биелэлт”, “Хүний нөөцийн сангийн баяжилт, хувийн хэргийн хадгалалт хамгаалалт”, “Эд хөрөнгийн тооллогыг явуулж, дүнг танилцуулах” асуудлаар 1 удаа, “Кассын бэлэн мөнгө, үнэт цаасны хадгалалт, зарцуулалт”, “Алба хаагчдын цахим хуудасны хандалт, олон нийтийн сүлжээнд мэдээ мэдээлэл байршуулсан эсэх”, “Галын аюулгүй байдлыг хангах чиглэлээр урьдчилан сэргийлэх үзлэг шалгалт” асуудлаар улирал тутам, “Алба хаагчдын цалинг нэмэх, хасах, цалин тогтоох тушаалын хэрэгжилт”-ийг хагас жилээр тус тус даргын зөвлөлийн хуралд танилцуулж, галын аюулгүй байдлын урьдчилан сэргийлэх үзлэгээр илэрсэн зөрчлийг арилгах төлөвлөгөөг гаргаж хэрэгжилтийг хангаж, үр дүнг тооцсон.

Дотоод аюулгүй байдлыг хангах орон тооны бус зөвлөлийн хурлыг 2 удаа зохион байгуулж, 4 чиглэлээр эрсдлийн үнэлгээг хийж, эрсдлийн менежментийн төлөвлөгөөг боловсруулан хэрэгжүүлж, биелэлтийг даргын зөвлөлийн хуралд танилцуулан 2017 оны эрсдлийг тодорхойлон Хяналт шинжилгээ, үнэлгээ дотоод аудитын хэлтэст хүргүүлсэн.

Байгууллагын аюулгүй байдлын хувийн хэргийг шинэчлэн баяжуулж, хувийг Аюулгүй байдлын хэлтэст хүргүүлэв.

Сахилга ёс зүйн болон ажлын цаг ашиглалтын 19 зөрчилд 25 алба хаагчийг холбогдуулан албаны шалгалтыг явуулж, дүнг даргын зөвлөлийн хурлаар хэлэлцээд сануулах сахилгын шийтгэл-3, цалинг бууруулах шийтгэл -9, ажлын үр дүнгээр цалинг бууруулсан-8 нийт 20 алба хаагчид арга хэмжээ тавч, 4 алба хаагчийн сахилгын шийтгэлийг хүчингүйд тооцсон байна.

Алба хаагчдаас гаргасан сахилгын зөрчилд явуулсан албаны шалгалтын тоог урьд оны мөн үетэй харьцуулбал 27 нэгжээр буюу 58,6 хувиар, сахилгын шийтгэл 7 нэгжээр буюу 36,8 хувиар тус тус буурсан үзүүлэлттэй байна.

Төвийн алба хаагчдаас 2017 онд “Алба хаагч ажилтнуудын ажлын цаг ашиглалтад хяналт тавих журам”-ын зөрчлийг 53 алба хаагч 80 удаа гаргаж, үүнээс удаа дараа зөрчил гаргасан 5 алба хаагчид албаны шалгалтыг явуулж, хариуцлага тооцсоныг урьд онтой харьцуулбал зөрчлийн тоо 64 нэгжээр буюу 44,4 хувиар, зөрчил гаргасан алба хаагчдын тоо 34 нэгжээр буюу 39,0 хувиар тус тус буурсан үзүүлэлттэй байна.

МШУТ